



MINISTARSTVO VANJSKIH POSLOVA
BOSNE I HERCEGOVINE
Musala 2
71000 Sarajevo
Bosna I Hercegovina

Predmet: Sastanak eminentnih osoba, građana Bosne i Hercegovine, koji žive i rade u Njemačkoj, dana 27.08.2022.godine u Frankfurtu

U subotu 27. augusta 2022.godine u Frankfurtu na Majni održan je skup eminentnih osoba, građana Bosne i Hercegovine, koji žive i rade u Njemačkoj. Na skupu su prisustvovalе istaknute ličnosti, između ostalih i članovi Njemačkog parlamenta Adis Ahmetović i Boris Mijatović. Bosanskohercegovačku diplomatiju su predstavljali Began Muhić (Generalni Konzul BiH u Njemačkoj), Višnja Lončar (Generalna Konzulica BiH u Njemačkoj), Edina Jusufović (Konzulica BiH u Njemačkoj, kao i Dalibor Jurkić (Počasni Konzul Gvineje u BiH). Skupu su također prisustvovalе istaknute ličnosti iz svijeta sporta, Vahid Halilhodžić i Adnan Ćatić. Među intelektualcima su, između ostalih bili prisutni Prof. Vahudin Žugor, Prof. Azim Čaušević, Dr. Edvin Destanović, Dr. Damir Smajlović, Dr. Esnaf Begić, Dr. Amira Mezetović, Dr. Amra Hodžić, Dr. Emina Kopic, Dr. Ažir Kopic, Dr. Adnan Mahmutović iz Švedske, Dr. Damir Softić, Dr. Elvir Ramić, Dr. Samir Smajić, Dr. Midhat Dizdarević, Dr. Adis Basara, Amina Smajić advokatica, Omer Halilhodžić dizajner u VW, Kenan Kovačević inženjer, Adis Tanović ekonomista, Advija Ibrahimović visoka medicina, Husein Peratović pravnik, Meho Kapo arhitekta iz Švedske i Alden Pervan (magistar međunarodnog i europskog prava). Putem Video-linka prisutnima su se obratili Dr. Faris Vehabović (sudija Europskog suda za ljudska prava), Prof. Dr. Emir Ramić (predsjednik instituta za istraživanje genocida u Kanadi), Ajla Delkić ispred Washington Council, Dr. Denis Begić iz švedskog Parlamenta, Dr. Mahira Tanović iz New Yorka plastični hirurđ, Dr. Emir Festić USA, Dr. Nura Festić USA, Dr. Adnan Begović, Dr. Vedka Begović, Dr. Sabina Omerhodžić, Dr. Adnan Hadžihasanović, Dr. Azra Tanović. Izvršni Odbor je apsolutnom većinom usvojio zaključke u nastavku.

Svjesni trenutka historijskog značaja i pozicije Bosne i Hercegovine kao međunarodno priznate države, ravnopravne članice Ujedinjenih Nacija, mi, istaknuti intelektualci, doktori nauka, akademici, inženjeri i drugi istaknuti članovi bosanskohercegovačkih udruženja izvan Bosne i Hercegovine, građani Bosne i Hercegovine koji žive izvan matice, danas smo prisutni na skupu u Frankfurtu na Majni, zalažemo se za:

- Suverenu, međunarodno priznatu i cijelovitu Bosnu i Hercegovinu;
- Demokratsku, modernu i naprednu državu utemeljenu na vladavini prava;
- Europsku Bosnu i hercegovinu, utemeljenu na međunarodnim ljudskim pravima i slobodama u sklopu konvencije Ujedinjenih Nacija i svim europskim konvencijama i protokolima o ljudskim pravima i slobodama;
- Bosnu i Hercegovinu ravnopravnih građana i naroda, sa uživanjem potpunih građanskih i ljudskih prava i sloboda, po uzoru na druge države Europske Unije;
- Bosnu i Hercegovinu kao ravnopravnu članicu Europske Unije i NATO-a.
- Bosnu i Hercegovinu u kojoj će se ustavne i izborne reforme izvršiti i implementirati na cijeloj teritoriji Bosne i Hercegovine u skladu sa svim relevantnim presudama Europskog

suda za ljudska prava (Sejdić-Finci, Pilav, Zornić, Pudarić i Šlaku) što će ujedno i spriječiti diskriminirajuće favoriziranje etničkih konstitutivnih grupa.

Ohrabreni smo informacijom i zahvalni aktuelnoj vladi Savezne Republike Njemačke na inicijativi za izmjene i dopune legislative koja reguliše mogućnost dobijanja njemačkog državljanstva bez potrebe odricanja državljanstva Bosne i Hercegovine.

Mi građani Bosne i Hercegovine, nastanjeni izvan Bosne i Hercegovine energično osuđujemo neprincipijelno nametanje izbornog zakona Bosne i Hercegovine od strane visokog predstavnika koji bi građane Bosne i Hercegovine doveo u neravnopravan položaj, koji bi doveo do još većeg produbljivanja etničkih podjela na uštrb građanskog koncepta.

Upućujemo inicijativu nadležnim institucijama Bosne i Hercegovine, predsjedništvu Bosne i Hercegovine, Vijeću Ministara i Parlamentarnoj Skupštini Bosne i Hercegovine za formiranje ministarstva za domicilno bosanskohercegovačko stanovništvo, nastanjeno izvan Bosne i Hercegovine, ili u okviru ministarstva za ljudska prava i izbjeglice osnažiti odjel za domicilno bosanskohercegovačko stanovništvo, nastanjeno izvan Bosne i Hercegovine, koji bi kontinuirano radio na jačanju institucionalnih veza bosanskohercegovačkog iseljeničtva sa institucijama Bosne i Hercegovine, u čijoj strukturi bi bili uključeni građani Bosne i Hercegovine koji žive izvan njenih granica.

Predlažemo vladi Savezne Republike Njemačke da operativno implementira principe usvojene u rezoluciji Bundestaga.

Predlažemo CIK-u Bosne i Hercegovine i zakonodavnim organima Bosne i Hercegovine da se omogući glasanje na biračkim mjestima u svim većim gradovima gdje žive domicilni bosanskohercegovački stanovnici, nastanjeni izvan Bosne i Hercegovine, da ambasade BiH putem Ministarstva Vanjskih Poslova zemlje prijema iznađe mogućnost da naši građani mogu glasati u zemlji prijema. Molimo da se oformi centralni registar birača izvan Bosne i Hercegovine kako bi smo imali tačne brojeve o iseljeničtvu.

Apelujemo na građane koji žive izvan Bosne i Hercegovine da zajedno radimo na projektima koji će imati za cilj očuvanje maternjeg jezika i kulturnog identiteta građana Bosne i Hercegovine.

S poštovanjem,

Frankfurt 31.08.2022

Generalna konzulica

Višnja Lončar

